

名
医
疑
问
集
四

中卷

內傷 脾胃 嘈雜 腰痛

瘧症 傷食 咳逆

痢疾 嘔吐 噯氣

黃疸 翻胃 頭氣

水腫 噎膈 頭痛

鼓脹 痞滿 眩暈

積聚 惡心 心痛

癥瘕 痞塊 腹痛

吞酸 脇痛

名醫疑問

名醫疑問目錄

中卷

內傷門一

痢疾門三

水腫門五

積聚癥瘕痞塊門七

傷食門九

翻胃門十一

痞滿門十三

吞酸門十五

瘧疾門二

黃疸門四

鼓脹門六

脾胃門八

嘔吐噦門十

噎膈門十二

惡心門十四

噯雜門十六

咳逆門十七
頭風門十九
眩暈門二十一
腹痛門二十三
腰痛門二十五

暖氣門十八
頭痛門二十
心痛門二十二
脇痛門二十四

內傷門

或曰內傷者傷于內也還是傷筋傷血脉傷藏府傷元氣精神今之治內傷者一皆破血清瘀之藥何也

余曰內傷之說不輕易言也凡通俗指說內傷二字便認為跌撲傷損筋骨死血之外傷反言為內傷緊用破血行血之藥害事殺人不少東垣分外感內傷者言內傷之形症一如外感傷寒相似恐日後錯醫誤治遂有內傷辨要細、分析之也余今凡有病症似內傷者盡皆分別于後以破積年之誤

七情內傷脉症

憂愁思慮鬱怒矜持恐怖驚疑此皆情志抑鬱神思不能渙發意興不揚使精神氣血而暗耗形底肌色而枯萎飲食漸減亦有虛寒假熱之症澄、

懽懽鬱鬱不快漸成否隔中痛癆瘵鼓脹諸病脉多沉弦濡數三五不調
宜宣鬱醒神調氣和血之藥主治

主方 茯神一錢 棗仁三錢 遠志一錢 當歸錢半 益智五分 貝母錢半 橘紅一錢 水煎服
情志之病本無形之氣抑鬱故藉茯神棗仁當歸養血寧神為主遠志益智
開鬱醒神貝母橘紅開鬱以消痰 如內熱加酒炒川連五分 如氣虛加人參錢半
再將寧志丸臨卧服

房勞內傷脉症

淫慾過度竭盡精神元氣頭目虛眩肢體倦怠五心煩熱食味不甘自汗乏力
皮寒骨熱脚腰酸疼其脉虛大而空數或沉濡微弱無力以培補為主
主方 人參錢半 黃芪一錢 當歸一錢 熟地錢半 茯神一錢 棗仁三錢 麥冬錢半

五味子水煎空心臨睡服

以參芪益元氣歸地補精血杏仁安神麥冬五味生津
如熱盛加知母錢
如脾胃弱加白朮錢半去熟地麥冬焦蜜膏不時噙化
河車大造丸空心服

勞煩內傷脈症

遇事繁冗勉強應酬費心勞形奔走勞碌飲食失節食旨不甘口乾舌燥
寒熱交加腰膝酸軟其脈虛數或微弱或濡數以調精神氣血為主

主方人參錢半茯神藥冬仁三錢當歸錢半龍眼肉一錢麥冬一錢五味子

水煎空心臨睡服錢如自汗盜汗加黃芪錢半去丹參

由運神机勞傷乎心遇事多言勞傷乎肺謀慮決斷勞傷乎肝右方皆三
經養血和肝寧神滋肺益氣之良劑也臨臥服天王補心丹空心服虎潛丸

勞力內傷脈象

肩挑負重動勞作務用力加工皆能傷筋動骨損氣耗血任絡不和肢體
痛疼口苦舌燥下寒下熱其脈虛弱而濡數以調氣和血健脾強力之藥主治

主方 當歸一錢 紅花五錢 牛膝一錢 杜仲二錢 羌活五錢 獨活五錢 川芎一錢

延胡索錢半 陳皮一錢 枳殼五錢 水煎午前後服、後飲酒半盃以助行藥之

力勞力者氣血不和以歸芎補血以紅花胡索和氣血牛膝強腎二活舒經陳

皮枳壳順氣 如胸中不快加山楂二錢去牛膝杜仲

飢餓內傷脈症

因事煩受餓或因路遠失時或因年荒缺濟此皆致傷脾胃清緩之營氣
反使心胃飽悶嘈雜窘痛肢作倦怠虛寒假熱其脈空大無神或濡弱無

力宜和中養胃之藥主治

主方 白朮二錢 茯苓一錢 人參一錢 當歸錢半 白芍一錢 陳皮錢 神曲錢半
炙甘草二錢 水煎午後服 空心再服資生丸

夫飢則傷胃過飽則傷脾 人參朮苓甘以益營氣 歸芍以和營血 陳曲以和中氣
如作脹加山楂三錢 麥芽錢半 去人參 當歸 如發熱加柴胡一錢 葛根錢半
去白芍 人參 如病久者 人參 朮 不可少

食物內傷脈症

胃強脾弱不及消磨 所以三腕脹滿 否痛不舒 肢作壯熱 惡食嘔逆 飽暖
吞酸 呃逆 矢氣 其脈弦滑而有力 頭不痛 不惡寒 知其非外感也 當以和中消導為主
主方 山楂三錢 神曲錢半 麥芽錢半 陳皮錢 甘草二錢 厚朴錢 豆豉一錢 姜三片 煎服

因脾虛不能健運只宜平剗消磨忌用三稜蓬朮枳榔過于剗伐反傷元氣不能消導矣如傷生冷加藿香錢半木香五分如傷炙博加川連五分枳實一錢生厚朴如傷大葷酒與油膩加砂仁錢本香五分再將保和丸食前服三錢過飲酒內傷脈症

夫脾喜燥而惡濕多飲傷脾酒性屬火善走而易傷心所以有酒客肺癰之疾酒作屬水受積而易傷脾胃所以嘔逆惡心暴泄腹痛之恙力不勝者甚有神氣狂妄躁渴吐瀉之病其脈洪大而滑數以和中為主上下分清自愈主方茯苓一錢陳皮一錢藿香五分蘇葉一錢葛根三錢澤瀉錢半半夏錢半豆蔻五分加生姜三片水煎午前後服如脾泄加白朮一錢和中理脾以茯苓陳皮半夏和中清胃以藿香生薑透表汗以乾葛蘇

葉利水道以澤瀉茯苓

外傷

跌打損傷負重閃脇挫氣筋結外則肌肉青紫皮膚破損內則筋骨疼痛不能展舒若瘀血不散寒熱交攻惡心脹滿氣挫不行則吸氣吊痛往後不通則伸縮艱難此皆外傷之病今醫家病家誤為內傷禍不旋踵

主方當歸三錢 紅花一錢 桃仁一錢 胡索錢半 防風錢半 羌活一錢 山查三錢

陳皮一錢 酒水各半煎不拘時服

右方活血以消瘀當歸為主佐以桃仁紅花順氣通痛兼之山查為主通胡陳皮佐之通經活血以防風羌活向導瘀血未盡加紫蘇五錢先煎然後入前劑如大便不行加大黃三錢

瘧症門

或曰瘧之為病如何為瘧、發時怪異非常何也請言其詳

余曰經義顯名深而未悉前文已條論而未詳蓋瘧字從虐、者凌虐之義
寒則振慄鼓顙而戰抖熱則煩躁引飲冷物而謔妄經謂陰陽相爭也及
其病發任其寒熱不能禁禦聽其凌虐虐故名曰瘧

或曰瘧之所發受病必有其因所謂夏傷于暑、邪伏內而發謂之因也

余曰內經所云傷暑者非為暑所傷也夏天宜熱天時反涼為之夏行秋冬令
暑氣不伸民病瘧痢是天下人共傷其時也非言一人受傷于暑也感冒
之因不等有從外感者有從內傷者外感者先由足太陽膀胱經足少陽
胆經足陽明胃經三經屬表病從風暑寒濕瘴氣傳染謂之外感之邪以

疎散表邪為先內傷者從足太陰脾經足少陰腎經厥陰肝經三經為裏病
從飲食積痰氣鬱怒房勞碌或素有瘧否者謂之內傷之邪緣內者
未必不因外邪所感而發外感者未必不因內觸而病臨症用藥審明內外的確
或外感為主兼治內傷或內傷為主兼治外感必竟辨明新久虛實三陰三陽
與治傷寒熱症方法一般主治此論受病致病之因也

或曰瘧之發也如何而寒如何而熱從何發寒從何來未解其義再乞詳示
余曰所謂陰陽相爭者何謂之爭者彼此抗拒而爭鬪也爭時各有所勝故
有寒熱之分所謂陰陽者非三陰三陽經絡之陰陽之正指營衛之氣而言
也營為陰氣不與衛氣同行自行于脈中循脈上下左右四肢如循環而轉
運也衛為陽氣不行血脈之中獨行于皮膚分肉之間內外出入者也前論受

邪固有内外表裏之分在外衛氣必先受之在內營氣必先受之所受之邪固有風寒暑濕飲食房勞、碌之因不同實皆痰涎由于經絡府藏為致病之根後論所云未必不無表裏之兼症而發但有盛衰之不同故發有寒多熱多之不等要之營衛彼此受病方有陰陽相爭之症若非營衛同病即有内外諸邪所感竟為感冒寒熱之別病矣不名陰陽相爭而為之瘧也其發也因瘧痰阻碍于經絡府藏募原之間彼時營衛之氣為痰涎之所混亂觸發二氣有所交錯妄行彼此抗拒此時營氣偏盛反抵抗于外拒絕衛氣于內不容外出陰陽僭盛而為寒、則振慄鼓顫顙掉畏冷重衣厚被烈日圍炉不能禁禦何也因衛氣閉于內而外無陽氣惟營經之陰氣独盛故耳戰後陰氣自衰衛氣偏盛復仇而独亢于內少刻皆發于外表裏皆熱、則

內外壯熱煩渴譫妄頭疼體痛渴飲引冷不能濟其躁何也陰氣已衰陽
氣已盛故耳戰後陽氣亦衰營衛之氣方和痰涎由內嘔而盡汗邪由外透
而解或一二時或五六時風恬浪靜兩散雲收而愈：後飲食如故起居
如常故謂之瘧

或曰瘧發時有一日者兩日者甚至三日其故何也

余曰此從邪之所勝有深有淺故有早晏之不同耳如痰涎盛于經絡血脈之
中者為淺營衛易觸而易發：則隨汗吐而易散易清所以易愈也若瘧涎
伏于六府募原之間者為重營衛不易觸發：日則晏發時痰涎必從汗
吐下三法而方散也若瘧痰沉陷于五藏至陰之處者為深營衛更不易
觸發觸發則病至以其沉陷痰涎難盡不能隨汗吐下三法而盡故難愈也

或曰瘧之寒熱相爭由營衛不和至瘧之發時由營衛觸動疾涎痰涎鼓動而發疾涎有深淺故發日有早晏有易愈有難愈可謂明悉俗有胎瘧之說從古未聞書中未載原為一日一發其邪不為深甚有百日半年不能愈者何也

余曰所謂胎瘧者確論也書中未載先哲置之不論致後學茫然無知使病家失于調理只因瘧為微疾而竟忽之不知胎瘧失于禁忌治法錯悞傳變別病必死不可不分析而預為調治也蓋營衛之氣人身之大陰陽也天地之陰陽和萬物得以生長收藏人身之陰陽和精神氣血有所資生今瘧中營衛不和不和則氣血日衰而自病矣今人惟知執方治病不知病之深淺致病之理一舉亂治若或已經發過一次兩次者其邪不能久留于中隨發